

LJETOPIS

U periodu koji obuhvatamo u ovom Ljetopisu, oktobar 2002. do avgusta 2004. godine, na Fakultetu islamskih nauka u Sarajevu pokrenuto je niz novih aktivnosti i sadržaja, što daje posebnu svježinu radu Fakulteta. Ali, ono što će duboko obilježiti ovaj period jeste preseljenje na Ahiret uvaženog prof. dr. Ibrahima Džananovića.

Akademik Enes Karić novi dekan FIN-a

Nakon preseljenja na Ahiret vd. dekana Ibrahima Džananovića 24. 8. 2003. na sjednici NNV-a Fakulteta održanoj 5. 9. 2003., kojom je predsjedavao prodekan doc. dr. Ismet Bušatlić, a shodno Pravilima Fakulteta islamskih nauka, pokrenuta je procedura za izbor na upražnjeno mjesto dekana FIN-a. Na sjednici je jednoglasno upućen prijedlog Upravnom odboru FIN-a da dekan u narednom periodu bude prof. dr. Enes Karić. Na četvrtoj redovnoj sjednici Upravnog odbora FIN-a održanoj 2. 10. 2003. godine razmatran je prijedlog NNV- a o imenovanju prof. dr. Enesa Karića za dekana. Na osnovu ovog prijedloga i usmene saglasnosti reisu'l-uleme dr. Mustafe Cerića Upravni odbor FIN-a svojom jednoglasnom odlukom imenovao je za dekana FIN-a u narednom dvogodišnjem mandatu prof. dr. Enesa Karića.

Doktorski i magistarski radovi

Mr. hfz. Fadil Fazlić je 22. 6. 2004. godine odbranio doktorski rad o temi: "Mushaf Fadil-paše Šerifovića". Rad je odbranjen pred komisijom u sastavu: prof. dr. Enes Karić (mentor), prof. dr. Fehim Nametak (predsjednik), prof. dr. Jusuf Ramić (član) i doc. dr. Džemal Latić (član)

Mr. Zuhdija Hasanović je 6. 7. 2004. odbranio doktorski rad o temi: "Rad hadži Mehmed-ef. Handžića na polju hadijske znanosti s osvrtom na djelo *Izharu'l-behadže bi šerh sunen Ibn Madže*". Rad je odbranjen pred komisijom u sastavu: prof. dr. Omer Nakičević (mentor), prof. dr. Adnan Silajdžić (predsjednik), prof. dr. Fuad Sedić (član) i doc. dr. Ismet Bušatlić (član).

Mustafa Prljača je 11. marta 2003. uspješno odbranio magistarski rad pod naslovom: "Nastanak i prosvjetno-pedagoško djelovanje pokreta "Ihvanu'l-muslimina" u Egiptu i njegove refleksije na Bosnu i Hercegovinu do 1945. godine". Rad je odbranjen pred komisijom u sastavu: prof. dr. Omer Nakičević (mentor), prof. dr. Enes Karić (predsjednik), prof. dr. Jusuf Ramić (član).

Diplomirani studenti

Mensur (Izet) Husić,	30. 10. 2002.
Elvedin (Ibrahim) Klisura,	31. 10. 2002.
Fikret (Seid) Bajrić,	16. 12. 2002.
Bilal (Ibrahim) Husić,	26. 2. 2003.
Mehmedalija (Sulejman) Imamović,	26. 2. 2003.
Elvir (Mujo) Duranović,	19. 3. 2003.
Rijad (Muhamed) Šestan,	31. 3. 2003.
Edin (Asim) Kavazović,	21. 4. 2003.
Sedin (Sadik) Karić,	21. 4. 2003.
Elma (Nijaz) Hrvat,	24. 4. 2003.
Meliha (Meho) Alibašić,	16. 5. 2003.
Fata (Midhat) Begović,	19. 5. 2003.
Meliha (Salih) Softić,	20. 5. 2003.
Senija (Muharem) Ljubijankić,	21. 05. 2003.
Lejla (Ruždija) Smaković,	3. 6. 2003.
Ibrahim (Suljo) Halilović,	16. 6. 2003.
Almasa (Adem) Husanović,	19. 6. 2003.
Zijad (Jakub) Mahmutović,	20. 6. 2003.
Amra (Salko) Heljić,	23.6. 2003.
Muhamed (Mustafa) Ahmić,	27. 6. 2003.
Emira (Enes) Hadžić,	30. 6. 2003.
Almasa (Edhem) Ćesa,	3. 7. 2003.
Samir (Alija) Kadribašić,	3. 7. 2003.
Sanela (Salkan) Agić,	8. 9. 2003.
Lejla (Ibrahim) Ahmedbegović,	11. 9. 2003.
Ehlimana (Fadil) Fazlić,	23. 9. 2003.
Senad (Mujo) Palavra,	26. 9. 2003.
Jakup (Izet) Ćazimoski,	6. 10. 2003.
Alem (Sead) Alić,	16. 10. 2003.
Hamdija (Halim) Čabaravdić,	16. 10. 2003.
Emina (Rašid) Agović,	17. 10. 2003.
Zakir (Hajrudin) Ljubović,	21. 10. 2003.
Esmā (Ibrahim) Dizdarević,	22. 10. 2003.
Rejhan (Tasim) Mandak,	2. 12. 2003.
Rasim (Nezir) Džafić,	3. 12. 2003.
Senada (Sirija) Bukurević,	15. 12. 2003.
Sabit (Iso) Šećović,	22. 12. 2003.
Hajrija (Rašid) Čehajić,	20. 1. 2004.
Nurija (Adem) Čikarić,	28. 1. 2004.
Senaid (Smail) Haskić,	24. 2. 2004.
Melhin (Osman) Mahmuti,	26. 2. 2004.
Refik (Adem) Čaušević,	16. 3. 2004.
Nerveza (Mustafa) Mehmedović,	16. 03. 2004.
Alma (Alija) Mujakić,	17. 3. 2004.

Fejruz (Avdo) Abaza,	23. 3. 2004.
Šehrizada (Abdulah) Čandić,	24. 3. 2004.
Salih (Hasan) Hrnjić,	5. 4. 2004.
Mubina (Nezir) Islamović,	26. 4. 2004.
Hanifija (Husnija) Ahmetović,	27. 4. 2004.
Kimeta (Hakija) Alihodžić,	28. 04. 2004.
Edin (Husein) Nezirić,	28. 4. 2004.
Aida (Husnija) Abazović,	7. 05. 2004.
Mersudin (Alija) Halilčević,	18. 5. 2004.
Emina (Mehmed) Butković,	25. 5. 2004.
Zuhdija (Ibrahim) Handanović,	27. 5. 2004.
Suad (Salih) Mahmutović,	27. 5. 2004.
Adnan (Asim) Hafizović,	27. 5. 2004.
Nezrina (Ljutvo) Redžović,	28. 5. 2004.
Samra (Zahid) Jašarević,	1. 6. 2004.
Mehmed (Alija) Kurtić,	2. 6. 2004.
Enisa (Avdulah) Gazija,	4. 6. 2004.
Muamer (Mustafa) Hasanbašić,	10. 06. 2004.
Mirnes (Asim) Šehić,	16. 6. 2004.
Aida (Akif) Mraković,	21. 6. 2004.
Alma (Mustafa) Mahmutović,	23. 6. 2004.
Mujo (Ibrahim) Čajlaković,	23. 6. 2004.
Nevzet (Šemsudin) Porić,	23. 6. 2004.
Muhamet (Sabedin) Ismaili,	24. 6. 2004.
Nedim (Fadil) Hamzabegović,	28. 6. 2004.
Enis (Mustafa) Makić,	28. 6. 2004.
Bašić (Habib) Merzija,	28. 6. 2004.
Đulović (Ramo) Šahsena,	28. 6. 2004.
Emira (Halid) Hodžić,	30. 6. 2004.
Samir (Ibrahim) Dedić,	30. 6. 2004.
Omer (Muharem) Bajramović,	30. 6. 2004.
Senad (Musa) Karišik,	5. 7. 2004.
Sead (Musa) Karišik,	5. 7. 2004.
Dženan (Mustafa) Handžić,	6. 7. 2004.
Zehrija (Husejin) Čajlaković,	9. 7. 2004.
Ramadan (Bećir) Zaganjor,	12. 7. 2004.
Amir (Husnija) Mehić,	12. 7. 2004.
Dina (Salih) Nadarević,	13. 7. 2004.
Jakub (Hikmet) Muratović,	13. 7. 2004.
Melika (Muniz) Hafizović,	15. 7. 2004.

DODJELE DIPLOMA

Dodjela diploma doktorima i magistrima

U amfiteatru FIN-a je 17. 6. 2003. upriličena svečana dodjela diploma doktorima i magistrima koji su svoje radnje branili na FIN-u. Bila je to prva dodjela diploma ove vrste na Fakultetu. Dodijeljene su četiri diplome doktora islamskih nauka i to: dr. Džemalu Latiću, dr. Enesu Ljevakoviću, dr. Mehmedu Kici i dr. Ibrahimu Džananoviću, a diplome magistara islamskih nauka je dobilo četrnaest kandidata. Diplome je nakon obraćanja uručio reisu'l-ulema prof. dr. Mustafa Cerić, a u pozdravnom govoru prisutnima se obratio i predsjednik Uporavnog odbora FIN-a dr. Hilmo Neimarlija.

Dodjela diploma svršenicima FIN-a

U povodu 25. godišnjice rada Fakulteta u Bosanskom kulturnom centru u Sarajevu 21. 12. 2002. organizirana je treća dodjela diploma svršenicima FIN-a. Kako od 1988. godine nije bilo dodjela diploma, to je dodijeljeno čak 171 diploma od čega 157 za smjer usulu'd-din, a četrnaest za smjer religijska pedagogija. Prisutnima su se obratili vd. dekan dr. Ibrahim Džananović i reisu'l-ulema dr. Mustafa Cerić. Diplome su uručili reisu'l-ulema, tadašnji dekan dr. Džananović i bivši dekani prof. dr. Omer Nakičević i prof. dr. Jusuf Ramić.

UČEŠĆE NASTAVNIKA FIN-A NA NAUČNIM SKUPOVIMA

Okrugli sto na temu "Fenomen terora u savremenom svijetu i odnos islama prema terorizmu" održan je 10. maja 2003. u Sarajevu. Organizatori su bili: Centar za interdisciplinarnu postdiplomske studije Univerziteta u Sarajevu, Pravni fakultet Univerziteta u Sarajevu i časopis *Ljudska prava*. Predložak za raspravu su bile knjige: *Islam i teror* akademika Muhameda Filipovića i *Terorizam: značenje, historija i veza sa religijom i Značenje teorizma – odgovor muslimanskih institucija* prof. dr. Fikreta Karčića. Pored spomenutog prof. dr. Fikreta Karčića sa Fakulteta islamskih nauka u radu okruglog stola učestvovali su i : prof. dr. Jusuf Ramić, dr. Ibrahim Džananović, dr. Enes Ljevaković, mr. Nedžad Grabus i mr. Ahmet Alibašić.

Prof. dr. Fikret Karčić u 2003/04. učestvovao na nizu naučnih skupova i konferencija u zemlji i inostranstvu. Bilježimo:

Naučni skup "Brak i razlika u vjeri: antropološki, interkulturalni ili religijski problem", održan 14. 9. – 16. 9. 2003., organizator: Teološki fakultet Lugano, Švicarska.

Naučni skup: "Bošnjački identitet u 20. stoljeću", održan 6. 10. – 7. 10. 2003, u Sarajevu u organizaciji, BZK "Preporod" - Fondacija Heinrich Boll.

Međunarodna konferencija "Balkanski muslimani i islam u Evropi", održana 13. 11. – 14. 11. 2003., u Poitiersu, Francuska. Organizator Francuska asocijacija za balkanske studije (Afebalk).

Međunarodna radionica i javni forum o jednakopravnosti i pluralizmu, održana 15-17. 6. 2004. Džakarta, Indonezija. Organizatori su Oslo Koalicija za slobodu religije ili uvjerenja i Državni islamski univerzitet (UIN), Sunan Kalijaga, Yogyakarta.

Doc. dr. Džemaludin Latić je učestvovao na internacionalnoj naučnoj konferenciji "Utjecaj arapsko-islamske kulture i civilizacije na evropsku renesansu" održanoj u Granadi od 6. do 10. decembra 2003. g.

Mr. Ahmet Alibašić je prisustvovao slijedećim naučnim skupovima:

Paris, 5.-7. maja 2003., "Budhist-Muslim Dialogue Conference: Global Ethic and Good Governance", Organizatori UNESCO (Paris) i Museum of World Religions (Tajvan). Izlaganje o temi: "Vjera i nasilje na Balkanu na kraju 20. stoljeća"

Leiden, 23. maja 2003., Seminar na temu "Islamsko pravo i muslimanske manjine". Izlaganje o recepciji ideje fikha za muslimanske manjine u BiH.

Putra Jaya (Malezija), juli 2003., Međunarodna konferencija muslimanskih učenjaka.

Džakarta, 23.-25. februara 2004., Međunarodna konferencija islamske uleme o temi "Promoviranje islama kao milosti svjetovima". Organizator Ministarstvo vjera i Nehdatu 'l-ulema.

Sarajevo, 27.-29. februar 2004., završna konferencija u okviru projekta "Mjesto za druge u mojoj vjeri" u organizaciji nevladine organizacije ABRAHAM. Izlaganje o temi "Mjesto za druge u islamu".

Kotor, 22.-24. marta 2004., naučni skup o vjerskom pluralizmu. Organizator Odsjek za historiju religije Univerziteta u Oslu. Izlaganje na temu "Mjesto za druge u islamu".

Doc. dr. Enes Ljevaković je učestvovao u radu međunarodne konferencije o terorizmu pod nazivom: Stav Islama prema terorizmu. Konferencija je održana u Rijadu, Saudijska Arabija, u periodu od 20. do 22. aprila 2004. godine pod visokim pokroviteljstvom prijestolonasljednika princa Abdullaha b. Abdulaziza. Iz BiH konferenciji su prisustvovali reisu'l-ulema dr. Mustafa Cerić i dr. Fuad Sedić, dekan IPA Bihać. Dr. Ljevaković je imao usmeno izlaganje o temi aktuelne situacije u islamskom svijetu i nužnost reformskih zahvata u sferi obrazovanja, razumijevanja i društvene akcije.

Prof. dr. Adnan Silajdžić učestvovao je na međunarodnom simpoziju u Zagrebu pod nazivom "Abrahamovska ekumena". Simpoziju je održan aprila 2004. u organizaciji Mešihat IZ u Hrvatskoj i Instituta Ibn Sina iz Sarajeva. Dr. Silajdžić je govorio o temi: "Izazovi pred kojima muslimani stoje u dijalogu s drugima."

U organizaciji Helsinškog Parlamenta Građana Tuzla, Justitiae et Pax i CORDAID-a, u Tuzli je 15. i 16. aprila 2004. godine održan ekspertni sastanak na temu "Međukulturalne veze i utjecaji u bosanskohercegovačkom društvu - pitanje jezika i obrazovanja u građenju kulturnih identiteta". Na ekspertnom sastanku učestvovali su eminentni stručnjaci iz Bosne i Hercegovine, predstavnici relevantnih Ministarstava u FBiH i RS, predstavnici Američke ambasade u BiH, OSCE-a, OHR-a, Univerziteta u Tuzli, Sarajevu, Banjaluci, te mostarskog sveučilišta. Kao specijalni izaslanik reisu-l-uleme, ovom sastanku je prisustvovao Mr. Aid Smajić, asistent na Fakultetu islamskih nauka u Sarajevu.

NOVI NASTAVNO-NAUČNI PLAN I PROGRAM FIN-A

Na osnovu odluke Upravnog odbora Fakulteta od 30. 10. 2002. god. data je saglasnost za reformu nastavno-naučnog programa FIN-a. Komisija za reformu nastavno-naučnog programa FIN-a, imenovana odlukom UO od 29. 10. 2002., održala je deset radnih sastanaka na kojima je sačinjen prijedlog reformisanog nastavno-naučnog programa za dva smjera: teološki i smjer religijske pedagogije, uz napomenu da se radi o kreditnom sistemu sa ukupno 153 kredita (osam semestara). Ovako pripremljeni materijal prezentiran je 17. 6. 2003. god. na proširenom sastanku kojem je pored članova NNV-a i UO FIN-a prisustvovao i reis'l-ulema dr. Mustafa Cerić. Tom prilikom izneseno je niz primjedbi na ponuđenu radnu verziju prijedloga. Konačni prečišćeni tekst prijedloga Reforme nastavno-naučnog programa Fakulteta usvojen je na sjednici UO održanoj 2. 1. 2003. i u primjeni je od akademske 2003/04. godine.

Pored reforme dodiplomskog studija spomenuta Komisija uradila je i reformu postdiplomskog studija. Postdiplomski studij na FIN-u traje četiri semestra i sastoji se od nastavnih predmeta, istraživanja i pisanja magistarskog rada. Postdiplomski se također organizuje u dva smjera: teološki i smjer religijske pedagogije. Ovako predložena reforma postdiplomskog studija usvojena je na sjednici VI redovnoj sjednici UO održanoj dana 26. 12. 2003. godine. Prezentiranjem za nastavnike i studente treće i četvrte godine novog programa postdiplomskog studija Fakulteta dana 16. 1. 2004. godine prestala je sa radom Komisija za reformu nastavno-naučnog programa Fakulteta.

NASTAVNIČKI STUDIJSKI BORAVCI

Prof. dr. Fikret Karčić je u preiodu od 27. 6- 9. 8. 2003. bio na studijskom boravku Fulbright Institut američkih sudija. Tema: Ustav SAD: porijeklo, evolucija i savremena pitanja. – Lafayette College, Easton, Pennsylvania.

Prof. dr. Adnan Silajdžić je dobio Fulbright stipendiju, tromjesečni postdoktorski studijski boravak u Sjedinjenim Američkim Državama u periodu juni – avgust 2003, a na poziv Calamus Fondation iz Londona boravio je u Londonu januara i početkom februara 2004. godine u okviru specifičnog istraživačkog projekta

Asis. Mujesira Zimić-Gljiva je u periodu od 14. 2. do 1. 4. 2004. boravila u Kuvajtu na međunarodnom seminaru pod nazivom "Kursi'n-nur". Seminar je organizirala organizacija Al-Farha, a pod pokroviteljstvom Ministrastva vakufa Kuvajta, kuvajtskog Beytu'z-zekata i drugih. Centralno pitanje na koje je fokusiran sadržaj seminara je porodica i briga za njeno zdravlje i stabilnost.

Nastupno predavanje redovnog profesora dr. Adnana Silajdžića

Dr. Adnan Silajdžić je 15. decembra 2003. god. u Amfiteatru FIN-a održao nastupno profesorsko predavanje pod naslovom *Kriza religijskog identiteta u današnjem svijetu*. Tom prilikom dekan Fakulteta dr. Enes Karić je profesoru Silajdžiću uručio svečanu diplomu. Nastupno profesorsko predavanje je objavljeno u izdanju Fakulteta.

PROGRAM "DIPLOMA U ISLAMSKIM NAUKAMA"

Fakultet islamskih nauka u Sarajevu već drugu godinu organizira tromjesečni program pod nazivom *Diploma u islamskim naukama*. Nastava je izvođena na bosanskom i engleskom jeziku. Svi časovi su održavani u historijskom ambijentu Fakulteta uz predviđene posjete najznačajnijim islamskim institucijama u Sarajevu. Predavači su uglavnom iz reda nastavnog osoblja FIN-a. Program na bosanskom jeziku namijenjen je javnim djelatnicima, političarima, osobama zaposlenim u obrazovanju, bibliotekama, državnoj administraciji, medijima, aparatima političkih stranaka, kompanijama i ostalim zainteresiranim za studij islamskih nauka. Namjena ovog programa na engleskom jeziku je gotovo istim obrazovnim i poslovnim profilima ljudi koji rade u međunarodnim institucijama u BiH i inostranstvu koji su zainteresirani za ovaj studij.

Nastava na ovogodišnjem programu započela je 13. januara, a završena 1. aprila 2004. Svečana dodjela diploma je obavljena uz prisustvo zamjenika Reisu'l-uleme hfz. Ismeta Spahića. Struktura programa je bila kao i prošle godine s tim da je došlo do izmjena u kadru

koji je izvodio nastavu. Mr. Mustafa Hasani je zamijenio rahmetli dr. Ibrahima Džananovića, dr. Adnan Silajdžić je preuzeo modul o islamskom mišljenju u BiH na bosanskom jeziku umjesto prof. dr. Enesa Karića, dok su mr. Nedžad Grabus (sekretar programa za bosanski jezik) i Srebren Dizdar isti modul izvodili na engleskom jeziku umjesto dekana. Prof. dr. Enes Karić je zbog prezauletosti reducirao svoj angažman na ovom programu i zadržao samo modul na engleskom jeziku pod nazivom Islamski tekstovi (Kur'an i Sunnet). Pored već spomenutih nastavnika nastavu su izvodili i: prof. dr. Jusuf Ramić, dr. Ismet Bušatlić, dr. Enes Ljevaković, mr. Orhan Bajraktarević, mr. Ahmet Alibašić (sekretar programa za engleski jezik) i direktor programa prof. dr. Fikret Karčić.

Broj polaznika na bosanskom jeziku ove godine je bio nešto manji nego lani (osam ove i petnaest prošle godine). Diplome su dodijeljene samo šesterici kandidata jer je jedan kandidat odustao a drugi nije ispunio sve uvjete. Na engleskom je bio jedan kandidat više nego prošle godine (sedam). Svih sedam kandidata uspješno je okončalo ovaj program.

RAMAZANSKE AKTIVNOSTI NASTAVNIKA FIN-A

Dekan FIN-a je bio domaćin na iftarima koje je organizirao Fakultet:

I iftar – 6. ramazana 1424/ 31. 10. 2003 je organiziran za nastavno i ostalo osoblje FIN-a;

II iftar – 13. ramazana 1424/07. 11. 2003. organiziran za dekane fakulteta Uneiverziteta u Sarajevu

III iftar – 25. ramazana 1424/19. 11. 2003 prilikom kojeg je organizirana prezentacija Web-stranice FIN-a.

U toku mjeseca ramazana 1424. hidžretske godine 10 nastavnika FIN-a bili su angažirani kao predavači u džamijama i drugim prostorima, autori ili učesnici u ramazanskim emisijama na radiju i televiziji. Održali su 35 predavanja u 11 mjesta u Federaciji i 5 mjesta na području manjeg bh. entiteta. Učestvovali su u 7 televizijskih i 6 radijo emisija posvećenih ramazanskim temama. U ovim aktivnostima učestvovali su: prof. dr. Enes Karić, prof. dr. Rešid Hafizović, prof. dr. Adnan Silajdžić, dr. Ismet Bušatlić, dr. Enes Ljevaković, dr. Džemal Latić, mr. Orhan Bajraktarević, mr. Mustafa Hasani, mr. Nedžad Grabus i asis. Mujesira Zimić-Gljiva.

TRIBINE I SEMINARI

Tribina "Gost ovoga mjeseca"

Na prijedlog dekana prof. dr. Enesa Karića uvedena je ova tribina, u okviru koje su održana sljedeća predavanja:

Prof. dr. Dževad Karahasan je 17. 10. 2003. godine bio gost tribine i govorio je o temi "Gete i islam";

Akademik Muhameda Filipovića je 21. 11. 2003. godine bio sljedeći gost na tribini i govorio o temi: "Muslimani Balkana – opstanak ili nestanak".

U povodu smrti prof. dr. Teufika Muftića u Amfiteatru Fakulteta 6. januara 2003. godine održana je tribina pod naslovom *Lingvističko djelo prof. dr. Teufika Muftića (1918 –*

2003.). O radu prof. dr. Muftića govorili su prof. dr. Jusuf Ramić i dr. Mehmed Kico. Prof. Ramić je u svom izlaganju obuhvatio njegov rječnik (*Arapsko-srpskohrvatski rječnik*), njegovu *Gramatiku arapskog jezika* i *Klasičnu arapsku stilistiku*. O drugim njegovim djelima iz oblasti lingvistike na tribini je govorio prof. dr. Mehmed Kico.

Akademik Esad Duraković je 4. 3. 2004. bio gost na tribini *Gost mjeseca*. Tribina je održana pod nazivom "Bošnjačke i bosanske književne neminovnosti".

Tribina "Predstavljam vam svoje knjige"

Ova tribina je uvedena na prijedlog novog dekana sa ciljem promoviranja nastavnika FIN-a i njihova rada. Tribina je otvorena 23. decembra 2003. godine nastupom prof. dr. Rešida Hafizovića. Naslov tribine je bio "Islamski univerzum Henrya Corbena" kojom prilikom prof. Hafizović je predstavio autora ali i svoj rad na prijevodima njegovih knjiga.

Seminar "Porodica i dijete"

U organizaciji Ministarstva zdravstva Kantona Sarajevo i FIN- a na Fakultetu je organiziran seminar pod nazivom "Porodica i dijete." Delegacija Fakulteta u sastavu dekan prof. dr. Enes Karić, prodekan za finansije dr. Enes Ljevaković i sekretar FIN- a Emina Muderizović su 23. 1. 2004. posjetili kantonalno ministarstvo zdravlja. Tom prilikom sa ministricom prof. dr. Zehrom Dizdarević dogovoreno je da se za studentice FIN-a organizira seminar koji će tretirati zdravstveni aspekt porodice i djece. Predavači na seminaru su bili eminentni zdravstveni radnici iz specifičnih oblasti i to: doc. dr. Sebija Izetbegović, doc. dr. Jadranka Dizdarević, prof. dr. Naima Arslanagić, prof. dr. Esmā Ćemerlić-Zečević, dr. Alma Džubur, prof. dr. Zehra Dizdarević, dr. Alma Kadić, Jasminka Hasić-Slijepčević, dr. Zineta Divac i prof. dr. Lamija Hadžiosmanović. Prvo predavanje je održano 3. 4. 2004. godine, a 3. 6. 2004. u amfiteatru Fakulteta u povodu završetka seminara održana je svečana dodjela certifikata o završenom kursu. Polaznicama seminara, njih 51, ministrica prof. dr. Zehra Dizdarević je uručila certifikate.

Promocija web-stranice Fakulteta islamskih nauka

Dekan Fakulteta islamskih nauka prof. dr. Enes Karić organizirao je 19. 11. 2003. zajednički iftar za članove NNV-a i UO Fakulteta te neke bliže saradnike. Nakon iftara u amfiteatru Fakulteta održana je promocija web-stranice Fakulteta islamskih nauka, čime je i ova ustanova Islamske zajednice izašla na internet i postala dostupna širem krugu zainteresiranih. Web-stranica sadrži temeljne podatke o Fakultetu, njegovim nastavnicima i ostalom radnom osoblju, zatim njegove pravne akte, njegovu izdavačku djelatnost, kao i osnovna obavještenja koja su potrebna studentima u toku studija. Također na ovaj način ostvarena je i link veza sa web-stranicom Gazi Husrev-begove biblioteke u Sarajevu, tako da zainteresirani sada praktično imaju mogućnosti da u virtualnoj biblioteci dobiju sve one podatke koji su im potrebni - od knjiga, časopisa i listova do drugih dokumenata koji se nalaze u toj ustanovi. Adresa web-stranice Fakulteta islamskih nauka u Sarajevu je www.fin.ba.

POSJETE FAKULTETU, PREDAVANJA PROFESORA I GOSTIJU

Prof. dr. Mustafa Ebu Suveji sa Kuds Univerziteta, Palestina, održao je 16. 12. 2002. predavanje o temi "Život pod policijskim sahatom koji ne prestaje".

Prof. dr. Jack Meacham je 5. 2. 2003 održao za studente i nastavnike FIN-a predavanje na temu "Religijski pluralizam u Americi – realnost ili idealizam".

Dr. Murad Wilfried Hofmann je 5. 2. 2003. posjetio Fakultet i u kraćem razgovoru sa dekanom i članovima NNV-a izrazio svoju radost posjeti ovoj instituciji.

Iranski mislilac Ajatolah Ali Akbar Rešad je 20. 05. 2003. održao predavanje o temi "Razumijevanje vjere".

FIN i Udruženje Ilmije IZ BiH su u saradnji sa Uredom za odnose sa javnošću Ambasade SAD u Sarajevu organizirale 29. 9. 2003. predavanje prof. Johna L. Espositoa u amfiteatru FIN-a na temu "Religija kao politički faktor – nacionalna i međunarodna dimenzija"

U posjetu Fakultetu je 16. 12. 2003. došao sekretar Kanterberijanske nadbiskupije. Posjeta je upriličena u vezi sa dogovorom o organiziranju seminara u 2005. godini o temi "Kršćanstvo i islam".

Adil-beg Zulfikarpašić je 18. 12. 2003. sa svojim saradnicama došao u posjetu FIN-u. Goste je primio dekan zajedno sa prodekanima FIN-a.

Direktor Ureda za odnose sa javnošću ambasade SAD u BiH Douglas Ebner posjetio je 08. 01. 2004. godine FIN. Spomenutog gospodina primili su dekan, prodekani, članovi Upravnog odbora FIN-a i NNV-a.

Zamjenik ministra visokog obrazovanja Kraljevine Saudijske Arabije dr. Abdullah b. Ibrahim El-Mu'džil i ambasador Kraljevine Saudijske arabije u BiH Fahd Al-Zeid su 27. 1. 2004. godine posjetili FIN. Visoku delegaciju primio je dekan FIN i prodekani. U znak pažnje cjenjenog gostu dekan je poklonio *Atlas islamskog svijeta*.

Dr. Oliver Leaman je 17. 3. 2004. godine u amfiteatru održao predavanje za studente i profesore FIN-a predavanje o temi: "Tradicija i definicija religije: Islamska umjetnost i nauka u misli Sejida Huseina Nasra".

Dr. Abdulhanid Abu Sulajman, bivši rektor Međunarodnog univerzita u Maleziji, je na poziv Udruženja ilmije bio u višednevne posjete IZ u BiH, prilikom koje je posjetio i Fakultet. U četvrtak, 17. 6. 2004. profesor dr. Abu Sulejman je je u Amfiteatru FIN-a govorio o temi "Uloga muslimana Zapada u dijelogu između muslimanskog svijeta i Zapada."

PRVI AKADEMIK NA FIN-U

U čast imenovanja prof. dr. Enesa Karića akademikom Jordanske kraljevske akademije 6. 2. 2003. u dekanatu FIN-a upriličena je svečana akademija. Svečanosti koju je vodio vd. dekan dr. Ibrahim Džananaović prisustvovala su brojne zvanice iz kulturnog i javnog života među kojima reisu'l-ulema prof. dr. Mustafa Cerić, predsjednik Sabora IZ BiH Hilmo Neimarlija i akademik Esad Duraković.

Studenti FIN-a u Egiptu

Studenti četvrte godine FIN-a su u pratnji asis. Mujesire Zimić-Gljiva 25. 6. 2003. otputovali na studijski boravak u trajanju od pet sednica u Kairo. Seminar je posvećen arapskom jeziku, a organiziran je posredstvom ambasade Arapske Republike Egiptat u Sarajevu.

*Sjednica u povodu preseljenja na ahiret vd. dekana dr. Ibrahima
Džananovića*

Dr. Ibrahim Džananović vd. dekan FIN-a preselio je na Ahiret 24. 8. 2003. Dženaza je obavljena 26. 8. 2003. iza ikindije na greblju Alifakovac. Istog dana u Amfiteatru FIN-a. u povodu smrti rahmetli Ibrahima Džananovića održana je zajednička sjednica Upravnog odbora i Nastavno-naučnog vijeća FIN-a. Sjednicu je vodio predsjednika Upravnog odbora FIN-a dr. Hilmo Neimarlija. Prisutnima su se obratili dr. Ismet Bušatlić, prof. Zijad Ljevaković i dr. Fikret Karčić koji su govorili o životu i radu rahmetlije.

Na kraju, nakon proučene hatme koju su studenti, članovi NNV-a i prijatelji proučili pred dušu rahmetlije učinjenja je hatma dova.

STIPENDIJE

Dodjela stipendija najuspješnijim studentima FIN-a

Na Fakultetu je 8. 12. 2003. održana svečana akademija u povodu dodjela 32 stipendije najuspješnijim studentima FIN-a. Angažmanom menadžmenta FIN-a stipendije su obezbjedili svojim donacijama Bošnjaci iz Čikaga, SAD, i Brisbanea, Australija. Posebnu pomoć u realizaciji ovog projekta pružili su imami Senad-ef. Agić iz Čikaga, Osman-ef. Softić i Sifet-ef. Omerović iz Australije. FIN je iz svojih izvora osigurao još devet stipendija za studente koji su angažirani u radu čitaonice, biblioteke, internet kluba i kao demonstratori pojedinih katedri.

Stipendija za Merimu Šukrić

Članovi NNV Fakulteta su izašli u susret zahtjevu da se dodjeli stipendija Merimi Šukrić, studentici Ekonomskog fakulteta u Sarajevu. Stipendija u iznosu 200.00 KM teče od početka akademske 2003/04. godine i obuhvata četverogodišnji studiji. Merima je kćerka uvaženog profesora našeg Fakulteta rahmetli Nijaza Šukrića koji je ubijen od strane srbočetničkog agresora 29. 8. 1992 godine.

SARADNJA FIN-A SA NAUČNIM INSTITUCIJAMA

Sporazum o saradnji sa Filozofskim fakultetom Univerziteta u Sarajevu

Dekani dr. Enes Karić i dr. Amir Ljubović su ispred FIN-a i Filozofskog fakulteta Univerziteta u Sarajevu 17. 10. 2003. godine potpisali ugovor o nastavno-naučnoj saradnji za akademsku 2003/2004. godinu. Ovim Ugovorom je predviđena saradnja u: razmjeni nastavnika i saradnika u cilju realizacije nastavno-naučnog procesa na dodiplomskom i postdiplomskom studiju; učešće nastavnika u radu komisija koje se imenuju u postupku

sticanja naučnog stepena magistra i doktora nauka, kao i u komisijama za izbor nastavnika i saradnika; razmjena iskustava u vezi sa organizacijom i izvođenjem nastave; zajedničko izvođenje naučno-istraživačkih projekata i sl.

*Sporazum o saradnji sa Kulturnim centrom Ambasade Islamske Republike
Irana*

Sedmog jula ove godine potpisan je sporazum o saradnji između Kulturnog centra Ambasade Islamske Republike Irana i FIN-a. Sporazum su potpisali direktor centra Ali Akbar Ziaei i dekan Fakulteta prof. dr. Enes Karić. Sporazumom je predviđeno uspostavljanje saradnje koja se ogleda u pokretanju kursa perzijskog jezika, rad na istraživačkim projektima, publikovanju značajnih istraživačkih i autorskih ostvarenja.

Sporazumom je predviđena mogućnost međufakultetske saradnje na polju razmjene gostujućih profesora, studijskih boravaka u naučnim centrima, organiziranja naučnih semnira, okruglih stolova i drugim oblicima naučnog rada.

Saradnja sa Univerzitetom u Pittsburghu

U okviru obrazovne saradnje sa inostranim univerzitetima, Fakultet islamskih nauka je 15. jula 2004. godine ugostio prof. dr. Roberta Haydena, direktora Centra za ruske i istočno-evropske studije na pittsburghskom Univerzitetu, i njegovu suprugu Milicu Bakić-Hayden, inače profesora na istom univerzitetu. Ova posjeta je plod višemjesečne korespodencije i saradnje između FIN-a i Univerziteta u Pittsburghu u okviru koje je dekan FIN-a prihvatio obrazovnu saradnju sa Univerzitetom u Pittsburghu te podržao njihov projekt prijedloga o zajedničkom osnivanju Odsjeka za komparativne religije pri Univerzitetu u Sarajevu. Spomenutu korespodenciju sa ovim američkim univerzitetom ispred FIN-a je obavljao Mr. Aid Smajić, dok je za detalje buduće saradnje FIN-a sa Univerzitetom u Pittsburghu u okviru spomenutog projekta zadužen prof. dr. Rešid Hafizović.

**UKLJUČENJE FAKULTETA U SASATAV UNIVERZITETA U
SARAJEVU**

Prve aktivnosti oko uključenja FIN-a u sastav Univerziteta u Sarajevu pokrenute su nakon prvih slobodnih izbora 1990. godine. Sarajevski Univerzitet je trebao biti uključen u Asocijaciju evropskih univerziteta, ali za članstvo u ovoj asocijaciji trebao je, prema evropskim standardima, imati i teološke fakultete u svom sastavu. U tom pravcu pokrenute su neke inicijative, ali se usljed niza dešavanja nije daleko odmaklo.

S obzirom na agresiju kojoj je naša država bila izložena, a potom i period koji je obilježio obnovu prije svega fizičkog prostora za adekvatno izvođenje nastave i ostalih aktivnosti na FIN-u sa ponovnom aktivnošću nastavnika FIN-a o uključenju Fakulteta u sastav Univerziteta u Sarajevu krenulo se gotovo deceniju kasnije.

Ovdje je važno istaći dokumenat koji je potpisao vd. dekan Ibrahim Džananović upućen Rijasetu IZ u BiH, osnivaču Fakulteta, datiranom 18. 2. 2003. godine kojim su objašnjeni razlozi pristupa FIN-a u sastav Univerziteta u Sarajevu. Među razloge pokretanja inicijative o uključenju u sastav Univerziteta se navode da: jedino kroz Univerzitet u Sarajevu FIN može ostaviti integraciju u evropski akademski prostor, jer formiranje Islamskog univerziteta u

Sarajevu nije realno izvodljivo; povratak demokratije u zemlje bivše Jugoslavije je doveo do povratka teoloških fakulteta u sastav Univerziteta (Univerzitet u Ljubljani, Sveučilište u Zagrebu); Vrhbosanska katolička teologija i Franjevačka teologija u Sarajevu afilirane su u KBF u Zagrebu koji je u okviru Zagrebačkog sveučilista. FIN je ostao bez ikakve akademske afilijacije. Priključenjem Univerzitetu studenti i nastavnici bi dobili status ravan onima na Univerzitetu, nastavni predmeti FIN-a mogli bi biti izborni studentima Univerziteta te bi se na taj način uključili u nastavno- naučni i istraživački proces u zemlji ali i inostranstvu; finansiranje Fakulteta bi se vršilo od strane kantonalnog budžeta i Rijasetu, čime bi se Rijaset finansijski znatno rasteretio; pristup Univerzitetu treba urediti tako da se osigura karakter FIN-a kao ustanove IZ, pravo reis'ul-uleme da izdaje murasele profesorima i sl.

Rijaset IZ u BiH je na svojoj 18. redovnoj sjednici odražanoj 26. 2. 2003. donio zaključak kojim prima na znanje da je Fakultet pokrenuo pomenutu aktivnost. U okviru pregovora koje je Fakultet vodio sa Univerzitetom, Univerzitet je dostavio prijedlog Sporazuma o uključenju Fakulteta u sastav Univerziteta kao pridružene članice. Upravni odbor FIN-a je na svojoj 7. redovnoj sjednici održanoj 4. 3. 2004. ponuđeni prijedlog uskladio i kao takav dostavio Rijasetu IZ. Rijaset je na svojoj redovnoj sjednici odražanoj 17-18. 3. 2004. godine prihvatio prijedlog Sporazuma o uključenju Fakulteta u Univerzitet u Sarajevu kao pridružene članice te je Sabor IZ u BiH na svom trećem redovnom zasjedanju održanom 3. 4. 2004. godine donio Odluku o uključenju Fakulteta u sastav Univerziteta u Sarajevu kao pridružene članice. Skupština Kantona Sarajevo je 27. 5. 2004. donijela Zakon o izmjenama i dopunama zakona o visokom obrazovanju na osnovu kojeg u sastavu Univerziteta mogu djelovati i visokoškolske ustanove teoloških nauka, a međusobna prava i obaveze između Univerziteta i visokoškolskih ustanova regulista će se posebnim ugovorom. Na osnovu ovog Zakona Upravni odbor Univerziteta u Sarajevu, na sjednici održanoj 14. 7. 2004. godine, usvojio je Odluku o izmjenama i dopunama Pravila Univerziteta u Sarajevu. Tekst Ugovora je već usaglašen, a čekaju se potpisi zvaničnika i pečati.

AKTIVNOSTI UDRUŽENJA STUDENATA FIN-A (IZBOR)

Akademije studenata FIN-a

Udruženje studenata FIN-a je 11. 5. 2003. u Bosanskom kulturnom centru u Sarajevu održalo svečanu mevludsku akademiju pod naslovom "Tebi, o, Allahov Poslaniče." Toga dana, također u BKC-u, studenti su organizirali razgovor za srednjoškolce i studente o temi "Poslanik i mladi". Gosti predavači su bili: dr. Džemal Latić, mr. Muharem Omerdić, mr. Zuhdija Hasanović i asis. Mujesira Zimić-Gljiva. Istu akademiju studenti FIN-a su 24. 5. 2003. ponovili u BKC-u u Tuzli.

Studenti su, također, 20. 2. 2004. godine u BKC-u u Sarajevu sa početkom u 19,00 sati organizirali svečanu akademiju pod nazivom "Nek se srca otvore", u povodu nastupajuće 1425. hidžretske godine. Tim povodom okupio se veliki broj zvanica, profesora, studenata našeg i drugih fakulteta kao i ostalih ljubitelja ovakvih sadržaja. Prostorije BKC-a su bile premale da prime sve prisutne, a sama akademija naišla je na odličan prijem.

Posjete

Udruženje je od 3. 4. 2003. do 6. 4. 2003. organiziralo posjetu Mešihatu IZ-e u R Hrvatskoj, odnosno Zagrebačkoj džamiji i medresi "Dr. Ahmed Smajlović", a potom Mešihatu IZ-e u Sloveniji, odnosno džematima Kopar, Ljubljana, Maribor i Kulturnom društvu "Ljiljan" u Ljubljani. Studenti su izveli prigodne programe u džematu Kopar a u Ljubljani su bili gosti već spomenutom kulturnom društvu gdje su izveli svečanu akademiju.

Iftar za studente

Udruženje studenata je proteklog ramazana organiziralo iftar u restoranu Fakulteta. Pored profesora i studenata našeg Fakulteta na iftaru su bili prisutni i studenti drugih fakulteta, odnosno predstavnici fakultetskih studentskih udruženja Univerziteta u Sarajevu.

Večer poezije Džemaludina Latića

Udruženje studenata FIN-a je 13. 1. 2004. godine na FIN-u organiziralo večer poezije Džemaludina Latića. Kao gosti učestvovali su Hadžem Hajdarević i Admiral Mahić. Amfiteatar FIN-a je bio pretijesan da primi sve ljubitelje Latićeve poezije koji su taj dan došli na Fakultet.

(Mr. Mustafa Hasani, Ljetopis, *Zbornik radova FIN-a*, FIN, XXII, Sarajevo, 2004, br. 9, str. 399-420.)